

ФАРГОНАДА ОИЛАВИЙ БОЛАЛАР УЙЛАРИ ТАРБИЯЛАНУВЧИЛАРИ ҲАМДА ВАСИЙЛИККА ВА ҲОМИЙЛИККА ОЛИНГАН БОЛАЛАР УЧУН ЯНГИ ЙИЛ БАЙРАМИ ТАДБИРИ ТАШКИЛ ЭТИЛДИ

Фарғона шаҳридаги “Wine Garden” тантаналар мажмуасида вилоятимиздаги 15 та оилавий болалар уйлари тарбияланувчилари ҳамда васийликка ва ҳомийликка олинган болалар учун Янги йил байрами тадбири ташкил этилди.

Вилоят шаҳар ва туманларидан келган 102 нафар ўғил-қизлар, уларнинг тутинган ота-оналари, васийлари ҳамда жамоатчилик вакиллари иштирокида ўтказилган тадбирда вилоят ҳокими Хайрулло Бозоров, Миллий гвардия вилоят бўйича бошқарма бошлиғи Шавкат Акбаров иштирок этдилар.

Тадбирда сўз олган вилоят ҳокими Хайрулло Бозоров йиғилганларни кириб келаётган Янги йил байрами билан табриклаб, тадбирда иштирок этаётган ўғил-қизлар келажакда Ватанимизга, халқимизга садоқат билан хизмат қиласиган инсонлар бўлиб етишишларига тилак билдири.

Давлатимиз раҳбарининг тақдир тақозоси билан ота-она қарамоғидан маҳрум бўлган болаларни оила шароитида вояга етишларини таъминлашга қаратилган ташабbusлари ва қарорлари, бағрикенг халқимизнинг миллий қадриятларимиздан келиб чиқсан ёндашуви натижасида етим ҳамда ота-она қарамоғидан маҳрум бўлган болаларни тарбиялашнинг тубдан янгилangan тизими жорий этилгани алоҳида қайд этилди.

Президентимизнинг қарорлари билан, етим болалар ва ота-она қарамоғидан маҳрум бўлган болаларнинг муаммоларини ўрганиш ҳамда ҳал этиш, уларнинг орзу-истакларини рўёбга чиқаришга ҳамда жамиятга ижтимоийлашувига кўмаклашиш мақсадида жорий этилган “Мехрдафтари” тизими доирасида жорий 2022 йилнинг ўзида вилоятимизда 197 нафар болаларга 1 миллиард 432 миллион сўмдан ортиқ маблағлар сарфланди ва бу хайрли ишлар давом эттирилмоқда.

Орзу-истакларини рўёбга чиқариш бугунги байрамда ҳам давом этди. Тадбирда иштирок этаётган ҳар бир оилавий болалар уйлари тарбияланувчилари ҳамда васийликка ва ҳомийликка олинган болаларга уларнинг ўзлари аввалдан билдириган истакдан келиб чиқиб Янги йил совғаси топширилди.

Болажонларнинг ҳаяжонли чақириқлари билан даврага Қорбобо ва Қорқиз ташриф буюрди. Тадбир болалар ўртасида шеър ўқиш танлови, вилоятимиз санъаткорлари иштирокидаги куй-қўшиқлар ва байрамона рақслар билан давом этди.

Бизни ижтимоий тармоқларда кузатинг [Facebook](#), [Telegram](#), [Facebook](#), [YouTube](#), [Instagram](#)

2022-12-23 16:42:49